

JUNIOR SECONDARY CERTIFICATE

THIMBUKUSHU FIRST LANGUAGE

1111/1

PAPER 1 Reading and Directed Writing

2 hours

Marks 60

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARAWERO NOMAPATHWERERO KWAMUHATI KUMAKONAKONO

- Tjange mahuthero ghoye muMbapira dho Kuhuthera edhi hana tapa.
- Tjange Nomora dhaMuhati Kumakonakono noDina paMbapira dho Kuhuthera.
- Tjange nokatjangitho kothinadiwiru ngambi kokeru.
- Wa rughanitha thidingununitho thomeyu-meyu.

- Huthe mepwero **ghomaheya**.

- Thotere kumashashero, yitoyadimukitho nomarongathaneno ghoyighamba.
- Mapenda gha pwa kutura mutuhaki [] kughuhura gho kehe dipwero ngambi mutara ghodipwero.

This document consists of 7 printed pages.



Republic of Namibia

MINISTRY OF EDUCATION, ARTS AND CULTURE

MUTARA A

Ttoye thiwana ghu dheghetera thitoyamingwa ethi thi di kwishi no huthe mepwero agha ghana ka kwipura.

Thitoyamingwa A

Eyi ya hurithire Kuñawere

Mumukunda waShividi mwa karire mushengeteya ghodina Kuñawere. Aye gha karire mushengeteya gho kumwagha nungu nomunyanyami thikuma. Hakuru wendi ha karire haDiwandamo naNdjira.

Gha tangire shure dhendi mumukunda ghoghuya ha mu reterire. Munyima dhomyaka dhihatu gha manithire ngcara dhoghuhatu. MuShividi mbadimo ngcara dhoghune. Hakuru wendi ha tokorire mu kumughurumutha pambongi dhaAndara nothitambo tho ka twara makuhongo ghendi kughutho, yoyishi mashure yira Shaditunda, Shamuñaro, Shañondho, Dithimba naShividi gha ghu gapire kumbongi ngenyu.

Myaka dhodhiheya dhi gha karire Kuñawere muShividi ne mbadi gha monine rware, mayugho ghawamakuwa nomaramba. Aye ne kwa kurera vene mutukurwera nomayugho ghomuhonyi.

Hakuru wendi hana mu tjangithire kumbongi dhaAndara pofotji naDisho wiha Kutjirera, Dibwere wiha Kathiku, naDimbere wiha Kutjira. Diyuwa dyendi dyo kughurumuka nawashere wendi haKutjira, Kathiku naKutjirera, gha karire nothitetu thikuma kuyinu yoyingi eyi gha pira kumona. Pakutanga, apa gha kambekedhire thitavura thoteya, aye gha ghayarire eshi rware. Apa ghana kumine mo ne gho gha rarire muteya, kate kushana kumudjata thihaghuto. Hashere wendi ha mu hekire no kumushwaghitha mo ha yende kumbongi.

Pakakuma mumbongi, mukungiditete gha wethire pamena ghawo no kuwaneghedha mararo. Kuñawere gha shambererire thikuma pakumona maramba, mayugho ghawamakuwa norware oru rwa kara kunyima dhomayugho gho kurara.

Diyuwa dyo kuranda ko nadyo dya kumine mo. Ha yendire kushure ha ka tange nomakuhongo ghawo. Myaka dhihatu dho kukuranda, Kuñawere gha tomborire muyikuhonga yendi. Pakukuma mungcara dhoghukwoko-noghuwadi, pamuyidi kare nga pa shosho. Gha tangire kuthambera no kudemena tutughuru, kudi noyi gha mwaghire nungu ne mbadi nga karanga shimungongi muyiperemeka yendi. Yighayara yendi ya kumine mo, thika di nga yi ghayaranga.

Mbadi gha yendire thitunde nomakuhongo ghendi no gha karire kwawanu. Rete oyu sho toye ne mbadiko yoyishi ha karire hatutughuru ho kukuma kudikumi. Ya mu karere ghukukutu. Gha tokorire gha kushwaghitha dira. Hashere wendi ha tangire kumuheka no kumuyongora kuditete dyawo.

Gha nwine ghuwanga gho kukutjaka-tjaka gha kushwaghitha dira. Mbadi gha karire nodighano eshi mu kukushwaghitha dira ne mo gha di maghuyi ghomengi thikuma.

Maghuyi gho kukushwaghitha dira ne: kukona ghu fe ghothinda, ghuna pagha munu, pakufa

murandu ghoye mbo ghuna ka ghu wana kuwiru, kuyongaritha manyinga muyirama, kuyipitha yirama yoye, mbadi wa kukona ghu kare mumbunga dhawayendhoye, kureta dihamba dyo kukutjaka-tjaka thikuma po muyidi nombadi mbo yi vurama ghuparo ghoye ghoghuheya.

Maghuwa ne mbadimo ghomwene ghungwa tu ninge eshi ghushengeteya ghodiyuwa dyofotji, ngeshi mbadi ghuna fu pakukushwaghitha dira edi ghuna pagha munu shi wana murandu.

Kuñawere ye ne ya mu yipire no gha fire nodira dyendi. Hakuru wendi mbadi ha konine kughamba endi kwipura mukungiditete, yoyishi kuthipangero ne madokotere gha ka wa tongwerire eshi: “Mwanenu nga kushwaghitha dira. Ghuwanga ghu nga rughanitha ne ghuhungu no nga ghu mu pagha.” Hakuru ha thigukire ha ka dire mwanawo kuyifa yothihonyi.

Pamahoreko ghamwanawo wiha Kuñawere gha ghambire nawanuke hakashure eshi: “Perere penu mbo mu temunune yitenda yamwanange; kufa kufunga. Mu koñotwedhe nomakuhongo ghenu mbo mu ka rete fumwa kwawakuru wenu, mbo mu ka tjindje ghuparo wawamweya, mbo mu ka tjimape kughamba mumbunga, nombo mu ka dimuke yoyingi. Atwe ne mbadiko keho makurupero muyipara yetu. Yitondo yetu kuna kwaña.”

Thirughana 1

Huthe mepwero 1 – 6 agha ghana karanda ko. Tjange ngenyu nomora dhodipwero nodihuthero dyoghuhunga. Thitamenedhi 1 C.

- 1 Yidye oyu gha kushwaghithire dira?
 - A Kathiku
 - B Kuñawere
 - C Kutjira
 - D Kutjirera

[1]
- 2 Mukuru oyu gha ka ghambire kumahoreko ghamwanendi ne
 - A dibwere.
 - B dimbere.
 - C disho.
 - D diwandamo.

[1]
- 3 Mbadi gha yendire thitunde kutongora eshi
 - A mbadi gha yendire rure.
 - B mbadi gha manithire.
 - C mbadi gha kurire.
 - D mbadi gha dimukire shure.

[1]
- 4 Mukunda oghu gha tundire Kathiku nawashere wendi ne
 - A Dithimba.
 - B Shamuñaro.
 - C Shañondho.
 - D Shividi.

[1]

5 Nando “koñotwedhe” makuhongo ghoye kutongora eshi:

A kudhidhimeka.

B kukambekedha.

C kukutekera.

D kusherera.

[1]

6 Wiha Kutjirera ne

A Dibwere

B Dimbere.

C Disho.

D Diwandamo.

[1]

[6]

Thirughana 2**7 Tjange eshi Kemo ngambi Mbadikemo.**

- (a) Mushengeteya ghomuShividi gha kuhongire shure dhendi kate kumanitha. [1]
- (b) Kukutunditha dira ne kuwana mo maghuwa ghomengi. [1]
- (c) Ñando “gha mwagha nungu” ne munu ghomuyi thikuma. [1]
- (d) Mushengeteya ya gha mona kare thitavura thoteya muyipara yendi. [1]
- (e) Mushengeteya ya gha kurere mutukurwera nomayugho ghomuhonyi. [1]
- (f) Mushengeteya ya gha kupaghire thinda. [1]

[6]**8 Huthe paghufupi ghu rughanitha maghano muthitoyamingwa ngenyu.**

- (i) Kakurwera ne ndhugho dhongepi? [1]
- (ii) Yinu munye ya paghire oya mushengeteya? [2]
- (iii) Mudyo munye wa kara mumakuhongo? [2]
- (iv) Tape maghuyi **mahatu** ngeshi munu ha kushwaghitha dira. [3]

[8]**[20]**

MUTARA B

Toye thiwana ghu dheghetera kuthitoyamingwa ethi kwishi no huthe mepwero agha hana ka kwipura ko.

Thitoyamingwa B

Ghuyi ghomarovu

Marovu ghoghukukutu ghumweya ghoghukuru thikuma ghu di muditunga dyetu dyaNamibia. Hanu kuna kukupagha, kukukwera mungcamu no kukuremadheka. Yikorwa eyi gha retitheranga po marovu ne yikukutu thikuma no kukona kupagha munu. Marovu kureta maghukukutu ghomengi muyipara yamunu, ene munu thinda mbadi ghana kudimuka eshi mughukukutu gha di. Tu ka kuyonge ghuyi ghomarovu payirama, pamaghano noyikaritha yamunu ghomodakwi noyimweya kenge yo.

Thokutangerera ne munu ghoghudakwi kukona yi yipe yirama yendi. Ayo ne mudyo thikuma kuyidimuka, yoyishi kukona ghu ka yongarithe moyo ghoye. Thitamenedhi, thidakwi kukona gha wane kangiri ghomodipumba, mathigho noyikorwa yodihudi. Kushwaghitha ko yo yira kumarovu ghothiru, kukona ghu yununuke muyirama, diratha kumuromo no kukiha muromo ghu hutuke, kukwayuka yirama no kukiritera ngambi ngepi ghuna kushwagha mumeyu nowe shime nga ghu pindukera kukuyogha. Hamweya kututuma-tutuma, mbadi wa kukona kukwata yinu nohamweya mbadi wa kukona kudya yidya, yoyishi marovu gha tarera mumiyidi. Yoyiheyi yi kukona yi ka retithere po yifa yoye. Kuyongaritha moyo ghoye endi kunwa ghuhungu yoyishi mbadiko yishamberera mwene muyipara yoye. Takamithe yirama yoye yoyishi yodigho pithayo wa kara nayo.

Thoghuwadi kukona ghudakwi ghu ka yipithe ghurwi ghoye. Pakutangerera marovu kukona gha kuningithe ghu kuyuve eshi kuna kuturumutha, ngeshi oku ghuna kughanwa kurikanyitha, ene ngeshi mandunda ghuna kughanwa ne kukona ghu ka rete ghukukutu kukoye ghothinda nodiko dyoye. Owe kehe pano kurwaghura nawanu, kukutjindja yikaritha yoye yi ka kare yoyimango, ka pagha hamweya ngambi kukona ghu kupaghe ghothinda, kukara katjimaghana no kughundumuka. Marovu ne thinu thongcamu shemwa kukona thi yipithe yipara ngambi ngepi wa karire munu ghomuwa ka yipa vene. Dipashu kwakehe yuno munu, mbadiko fumwa kwawakuru ngambi hanuke. Thingi thawanu kwa tawa eshi kukona gha pire kuwamuna marovu, ene mbadi dyo ya hokokanga kengeyo munyima dho kugharughanitha mandunda. Hapu ha yokokanga mudivavure dyomarovu.

Hamweya homandunda gho kugupa marovu ne kukona ha kuhambukere. Dyorerera. Hamwe kukutongamena no kukuruthera pambunga dhawanu. Thothimango po thikuma ne kunwa oku owe ne kuna kuhinga. Kehe mwaka kuna kuyongaritha nga twe hanu awa hana kuyowitha moyo dhawo kumahudhi ghoyihaghuto pamurandu ghoghudakwi. Eyi kuna kutongora eshi ghuparo ghoye ghuna nongo kashitiko, kukona ha kuruwereithe, ha kukungure mbapira dhoye dhoghuhingi muthitavura ngambi kukona ghu yongarithe moyo ghoye. Ruvedhe ru kukona ghu kunge moyo ghoye nodhawamweya mu kupira kunwa marovu. Ghayare kughutho gho kunwa no kuhinga.

Thoghuhatu ne ghukaro ghoye we thidakwi. Ghudakwi kuyipitha maghano ghodiko dyoye dyodiheyi. Hamweya kukona ha kuyakunuke ha ka tunge pithawo, pamweya awo ne ha nyenga marovu. Paruvedhe rumweya hanoye kukona ha tjwayuke ha ka kare kwawamweya pamurandu ghoghudakwi ghoye. Shime karo kukona ghu yongarithe yirughana yoye nodidhiko

dyoye. Kukona yi ka kuretere yighayadhara nohanu kukona kukunyenga kare kuyifa yoye. Ghomunu mbadi wa roghera kuyongaritha kehe yuno wa haka.

Tho kumanitherera, ghudakwi kuyipitha yirama, ghurwi no kuyipitha maghano ghoye. Kukona yi ka rete po maghukukutu muyipara yoye. Marovu kuyipitha ghurwi, maruthipa noghondjewandjewa ghoye. Kukuretera nyinya no kutjindja ghukaro ghoye no ka hurera ne maghukukutu nodiko dyoye, hashere ghoye ndani nowe ghothinda. Mavitamine munye gha kara mumarovu napo? Kughutho gho kunwa marovu kwipure ghothinda eshi yinye ghuna kushana wa ka wane mo.

Hakuru wetu kare ha tanga kughanwa, maghuwa munye wa mona ha wana mo mumarovu? Ngeshi maghuyi pithagho, owe ne ghuwa munye wa ka wana mo?

Thirughana 1

- (a) Maghukukutu munye ghana kureta marovu muditunga dyaNamibia? [3]
- (b) Yinu munye gha yipithanga marovu pamunu? [4]
- (c) Ngepi gho kukona ha tende hakungi thitavura, ngeshi hana kuwana ghuna kuhinga noghungorwi? [4]
- (d) Pashanye ghana kukarera marovu shi mbadimo mudyo muyipara yamunu? [4]
- (e) Toye ko yikorwa yikwoko eyi twa wananga mumarovu ghothiru? [5]

[20]

Thirughana 2

- 9 Hanu pamukunda wenu kuna kufa thikuma. Hamwe ho kuremana nohamweya ho kuyongara nomarambo temba. Makengwerero kuna kuneghedha eshi yifa yi ne pamurandu ghomarovu ghoghuthiku. Tjange mbapira kwafumu ghodiko dyenu ghu tape yinyeghenya yoye yo kuhatera kumarovu. Dhundeke edi ghana yipitha mukunda wenu.

Mañando ghoye gha kume ku **150 – 200**.

[20]